

Peratoran pakaian untuk pertabalan - 8 OCT 1963

IPOH, Ithnin.—Peratoran2 pemakaian yang keras telah di-ator untuk tetamu2 yang menghadhiri majlis2 jamun pertabalan Sultan dan Raja Perempuan Perak pada akhir bulan ini demikian di-umuhmkan dalam Majlis Undangan Negeri Perak hari ini.

Untuk orang2 yang bukan Melayu yang tidak memakai pakaian Barat sa-chara rasmi, harus memakai pakaian kebangsaan hitam untuk semua majlis.

Tetapi orang2 Melayu yang menghadhiri majlis pertabalan pada 27 Oktober tidak di-benarkan memakai pakaian warna kuning, putih atau hitam ia-itu warna rasmi di-raja Perak.H.

Di-bawah ini ia-lah peratoran2 rasmi mengenai pakaian dalam majlis2 pertabalan:-

(1) Pertabalan Sultan pada 26 Oktober dan Raja Perempuan pada 27 Oktober.

Pakain rasmi: Orang2 Melayu — pakaian kebangsaan rasmi ia-lah tanjak, Baju Melayu chekak musang (leher berkapok) samping, bengkong, keris kechil (orang besar2 dan datok2 sahaja), songkok hitam dan sepatu.

Kebaya laboh

Perempuan: Kebaya laboh dengan selendang (selendang harus berlainan warna-nya dengan warna baju). Chatatan: Warna kuning, putih atau hitam tidak di-benarkan.

(b) Lain2: Sama ada pakaian "morning suit" atau "lounge suit" dengan kemeja putih dan kolar putih

serta sepatu hitam. Chatatan: Kalau ada bintang2 kebesaran yang di-pakai untuk di-kalung ka-leher sama ada dengan di-seritai 'morning suit' atau "lounge suit" maka tali leher harus-lah menggunakan 'bow.'

(c) Bintang2 kebesaran hendak-lah di - gunakan bersama2 (A) dan (B).

(2) Jamuan di-raja pada 27 Oktober: Pakaian rasmi: (A) Orang2 Melayu saperti dalam cheraian 1 (A) di-atas kechuali warna pakaian hendak-lah hitam tanpa berkeris.